

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK

o ispravci Rješenja broj: 05-26-3-01-70-II/11

**Sarajevo,
februar, 2014. godine**



Broj: 05-26-3-01-76-II/11
Sarajevo, 18.2.2014. godine

Na osnovu člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09) i člana 209. stav (1) Zakona o upravnom postupku Bosne i Hercegovine („Službeni glasnik BiH“, br. 29/02, 12/04, 88/07, 93/09 i 41/13), Konkurencijsko vijeće, na 82. (osamdesetdrugoj) sjednici održanoj dana 18.2.2014. godine, donijelo je

ZAKLJUČAK

o ispravci Rješenja broj: 05-26-3-01-70-II/11 od 6.2.2014. godine

1. U tekstu Rješenja broj: 05-26-3-01-70-II/11 od 6.2.2014. godine, u tački 2. dispozitiva riječi “zbog kršenja člana 10. stav (2) tačke a) Zakona o konkurenciji“, mijenjaju se i glase “zbog kršenja člana 10. stav (2) tačke d) Zakona o konkurenciji“.
2. Ovaj Zaključak je sastavni dio Rješenja broj: 05-26-3-01-70-II/11 od 6.2.2014. godine.
3. Ovaj Zaključak je konačan i bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je na 80. (osamdesetoj) sjednici održanoj dana 6.2.2014. godine donijelo Rješenje broj: 05-26-3-01-70-II/11 kojim je utvrđeno da je privredni subjekt BH Telecom d.d. Sarajevo, Obala Kulina Bana 8, 71000 Sarajevo zloupotrijebio dominantni položaj na tržištu interkonekcije na fiksnu mrežu, uslovljavajući privredni subjekt Akt. Online d.o.o., Fra Anđela Zvizdovića 1, 71000 Sarajevo da obustavi pružanje usluge odlaznog međunarodnog saobraćaja za UNITIC d.o.o. Sarajevo, kao uslov za zaključenje sporazuma o interkonekciji, što predstavlja povredu Zakona o konkurenciji u smislu člana 10. stav (2) tačka d) zaključivanje sporazuma kojima se uslovljava da druga strana prihvati dodatne obaveze koje po svojoj prirodi ili prema trgovačkom običaju nemaju veze sa predmetom takvog sporazuma.

U tački 2. dispozitiva navedenog Rješenja izrečena je novčana kazna privrednom subjektu BH Telecom d.d. Sarajevo, Obala Kulina Bana 8, 71000 Sarajevo, zbog kršenja člana 10. stav (2) tačke a) Zakona o konkurenciji.

Naknadnom provjerom je ustanovljeno da se tačka 2. dispozitiva Rješenja ne slaže sa tačkom 1. istog u pogledu zakonske odredbe koja je prekršena (tačka 1. dispozitiva) i zakonske odredbe zbog koje je kazna izrečena (tačka 2. dispozitiva), pa se ova očigledna pogreška ispravlja dispozitivom ovog zaključka.

Pouka o pravnom lijeku

Odluka Konkurencijskog vijeća je konačna.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

Gordan Raspudić